

下有府君廟歷載傳灑掃星明應天遊十月戒豐鎬微末秦閑  
從兼得事蘋蘩宿首愛茲山意欲拾靈草陰壑已永閱雲竇絕  
探討芳月期再來迴策思方浩

訪法華雲公

岑參

野寺聊解鞍偶見法華僧開門對西嶽石壁青稜層行逕厚蒼  
苔松門盤紫藤長廊列古畫高殿懸孤燈五月山明滅三峯火  
雲蒸側聞樵人言深谷猶積冰久願尋此山至今嗟未能調官  
忽東走王程苦相仍欲去戀雙樹何由窮一乘月輪吐山郭夜  
色空清澄

宿華陰東郭客舍憶閭防

岑參

華陰縣志

卷十七 詩

十七

一

次舍山郭近解鞍鳴鐘時主人炊新粒行人充夜饑關月生首  
陽照見華陰祠蒼茫秋山晦蕭瑟寒松悲久從園廬別遂與朋  
知辭舊壑蘭杜晚歸軒今已遲

過華陰

王昌齡

雲起太華山雲山互明滅東峯始含景了了見松雪羈人感幽  
棲省映轉奇絕欣然忘所疲永望吟不輟信宿白餘里出關玩  
新月何意昨來心遇物遂遷別人生屢如此何以肆愉悅

仙谷遇毛女意知是秦宮人

常建

谿口水石淺冷冷明藥叢入谿雙峯峻松枯疎幽風垂嶺枝嫋  
嫋翳泉花濛濛黃綠霽人目路盡心彌通盤石橫陽岨前臨殊

未窮回潭清雲影瀾漫長天空水邊一神女千歲爲玉童羽毛  
經漢代珠翠逃秦宮目覩神已寓鶴飛言未終祈君青雲秘願  
謁黃仙翁常以耕玉田龍鳴西頂中金梯與天接幾日來相逢

華陰作貽祖三詠

儲光義

朝行敷水上暮出華山東高館宿初靜長亭秋轉空日餘久淪  
汨重此聞霜風浙瀝入谿樹颺颺驚夕鴻悽然望伊洛如見息  
陽宮舊識無高位新知盡固窮夫君獨輕舉遠近善文雄豈念  
千里駕崎嶇秦塞中

獻華陰羅丞別

儲光義

華山薄遊者元髮當青春道德同仙吏尊卑卽文人縣城俯京  
華陰縣志 卷十七 詩 十八

路獲見官舍裏淹留瓊樹枝謔浪春泉水昔予在天目總角奉  
遊從寒暑遞來往今復蓮花峯別情無遠近道別方愁予熟想  
古人言乃知悲風雨

贈左僕射鄭國公嚴公武

杜甫

鄭公瑚璉器華嶽金天晶昔在童子日已聞老成名嶷然大賢  
後復見秀骨清開口取將相小心事友生閱書百氏盡落筆四  
座驚歷職匪父任嫉邪營力爭漢儀尙整肅胡騎忽縱橫飛傳  
自河隴逢人問公卿不知萬乘出雪涕風悲鳴受辭劍閣道謁  
帝蕭關城寂寞雲臺仗飄飄沙塞旌江山少使者笳鼓凝皇情  
壯士血相視忠臣氣不平密論貞觀體揮發岐陽征感激動以

極聯翩收二京西郊牛酒再原廟丹青明匡汲俄龍辱衛霍竟  
哀榮四登會府地三掌華陽兵京兆空柳色尙書無履聲羣鳥  
自朝夕白馬休橫行諸葛蜀人愛文翁儒化成公來雪山重公  
去雪山輕記室得何遜韜鈴延子荆四郊失壁壘虛館開逢迎  
堂上指圖書軍中吹玉笙豈無成都酒憂國只細傾時觀錦水  
釣問俗終相并意待犬戎滅人藏紅粟盈以茲報主願庶獲禪  
世程炯炯一心在沉沉二豎嬰顏回竟短折賈誼徒忠貞飛旒  
出江漢孤舟轉荆衡虛橫馬融笛帳望龍驤坐空餘老賓客身  
上愧簪纓

玉真仙人歌

唐李白

華陰縣志

卷十七 詩

十九

西安縣林印書社代印

玉真之仙人時住太華峯清晨鳴天鼓颺欸騰雙龍弄電不輟  
手行雲本無踪幾時入少室王母應相

登華山

唐李白

西嶽蓮花山迢迢見明星素手把芙蓉虛步躡太清霓裳曳廣  
帶飄拂昇天行邀我登雲臺高揖衛叔卿恍惚與之去駕鶴凌  
紫冥

華嶽

唐王維

西嶽出浮雲積翠在太清連天凝黛色百里遙青冥白日爲大  
寒森沈華陰城昔聞乾坤開變化生巨靈右足蹋方山左手推  
削成天地忽開拆大河注東溟遂爲西嶽峙雄鎮秦京大君

包覆載至德被羣生上帝佇昭告金天恩奉迎人祇望幸久何  
獨禪云亭

尋華山雲臺觀道士

錢起

秋日西山明勝趣引孤策桃源數曲盡洞口兩崖拆還從罔象  
來忽得仙靈宅霓裳誰之子霞酌能止客殘陽在翠微攜手更  
登歷林行拂烟雨溪望亂金碧飛鳥下天窗裏松際雲壁稍尋  
元蹤遠宛入寥天寂願言葛仙翁終年煉玉液

華山西岡遊贈隱元叟

顧况

羣峯鬱初霽潑黛若髮沐天風鼓唳呀搖撼千灌木木葉微墮  
黃石泉淨停綠危磴蘿薛牽迴步入幽谷我心寄青霞世事慚

華陰縣志

卷十七 詩

二十一

西安縣林印書社代印

蒼鹿遂令巢許輩於焉謝塵俗想是悠悠雲可契去留躅

關門望華山

劉長卿

客路瞻太華三峯高際天夏雲巨百里合沓遙相連雷雨飛半  
腹太陽在其巔翠微關上近瀑布林梢懸愛此衆容秀能令西  
望偏徘徊忘溟色泱泱成蔭烟曾是朝百靈亦聞會羣仙瓊漿  
豈易挹毛女非空傳髣髴仍佇想幽奇如眼前金天有清廟松  
柏隱蒼然

入華山訪隱者經仙人石壇

李益

三考西嶽下官曹少林沐久負青山諾今還獲所欲常聞玉清  
洞金簡受元籙夙駕昇天行雲霞恣游宿平明矯清策捫石入

空曲征人古石壇苔繞青瑤局陽桂凌烟紫陰蘿冒水綠隔山  
聞丹經懸泉注明玉前驚羽人會白日天居肅問我將致詞笑  
之自相目竦身雲遂起仰見雙日鵠墜其一紙書文字類鳥足  
視之了不識三返又三復歸來問方士舉世莫能讀何必若蟬  
蟪然後爲跼促鄙哉宦遊子身志俱降辱再往不及期勞歌扣  
山木

罷秩後入華山采茯苓逢道者

李益

委綬來名山觀奇恣所停山中若有聞言此不死庭遂逢五老  
人一謂西嶽靈或聞樵人語飛去入昴星授吾出雲路蒼然凌  
石屏視之有文字乃古黃庭經左右長松列動搖風露零上蟠

華陰縣志

卷十七 詩

二十一

西安縣林印書代印

千年枝陰虬負青冥下結九秋霰流膏爲茯苓取之砂石間異  
若龜鶴形况聞秦宮女華髮變已青有如上帝心與我千萬齡  
始疑有仙骨鍊魂可永寧何事逐豪遊飲啄以羶腥神物亦自  
閱風雷護此扁欲傳山中寶回策忽已暝乃悲世上人求醒終  
不醒

望太華贈盧司倉

陶翰

行吏到西華乃觀三峯壯削成元氣中傑出天河上如有飛動  
色不知青冥狀巨靈安在哉厥跡猶可望方此願行旅末由飭  
仙裝葱龍記星壇明滅數雲嶂良友垂真契宿心所徵尙敢投  
歸山吟霞徑一相訪

夏日華山別韓博士愈

鮑溶

別地太華陰孤亭潼關口夏日可畏時望山易遲久暫因車馬  
倦一逐雲先後碧霞氣爭寒黃鳥語相誘三峯多異態迴舉仙  
人手天晴捧日輪月夕弄星斗幽疑白帝近明見黃河走遠心  
不期來真境非吾有鳥鳴草木下日息天地右躑躅因風松青  
冥謝仙叟不知無聲淚中感一顏厚青霄上何階別劍空朗扣  
故鄉此關外身與名相守跡比斷根蓬憂如長飲酒生離抱多  
恨方寸安可受咫尺岐路分蒼烟蔽回首

經太華

衛光

太華五千尋重岳才杳起勢飛白雲外影倒黃河裏上有千葉  
華陰縣志

卷十七 詩

二十一

西安縣林印書代印

蓮服之久不死山高探難得歎息徒仰止

阻雪華下

金麻革

愛山久成癖得山真雋永太華隔風塵五年夢幽境傳聞十丈  
蓮擬扣玉仙井雪花忽迷漫蒼巖墮昏暝蹇予世緣深方外久  
自屏意是希夷君俗駕疎造請行行風撼林稍稍雲度嶺雲間  
三峯面隱約露芒穎初如灑瀆堆屹起勢奔猛斬如倚天劍萬  
仞鐵花冷烟霞半明滅瞬息變光景乃知造物心相哀亦相驚  
歸鞭晚忽忽回首心耿耿浩歌夜深寒孤月掛峯頂

題張維中華山圖

党懷英

苴珠散遺胃我姓出馮翊空聞華山名未始見顏色三峯擢觚

稜稜眼但石刻那知玉井蓮香落清渭北巔崖割變轉勢走關  
輔窄豈無愛山人不解傳粉墨多才曲江裔公暇日招揖歸裝  
貯新圖尚帶烟霧溼明應一傳玩恍若到鄉國我生隨宦遊久  
作東南客有田太山下繞屋皆泉石懷恩戀官廩老大歸未得  
况復秦川迤便恐此生隔峻嶒蒼烟面只許畫中識詩成持送  
君想像三嘆息

題商德符華山圖

元虞集

昔祠雲臺館行穿御階柏夕陰嵐氣深重碧照行客獨訪張超  
谷漸覺巖險迫冰生玉井頭日射仙掌側豈無鐵鎖懸翻身若  
飛鶻恐煩華陰令不奈昌黎伯王事况有程車馬何忽忽流連

華陰縣志

卷十七 詩

二十三

西安縣林印書代印

終南山周覽天府國爾來十七年欲往不再得山河相邈悠傷  
殘轉蕭瑟摩娑商老圃彷彿希夷宅高哉蓮花峯白雲澹秋色

登華山絕頂時肥蠟兒

元疑始真人

大造一爐冶妙有自相薄誰測陰陽故而云巨靈鑿井鬼分鶉  
野雍梁奠坤絡少昊爲之都蓐收司其橐天地日奢華人物紛  
炫焯白帝無真源神功孰歛却隘口徑初入雲根勢欲落五粒  
平於偃三峯峻如削池無羞天蓮凸有傾陽菴戲將核裏泥頓  
令石生萼近疑小山及遠訝大山霍點點露雲容片片射霜鏢  
洞古停日輪樹老遮月脚柯逢叔卿爛霧讓公超作冷冷玉姜  
琴軒軒金仙鶴鬢雙靨郁霓旌一閃灼扶箱僅容足握縵不

驚魄乃知昌黎哭未信上界樂八水波聲小二陵秋色雷軒取  
不可攀堯年冀所穫弔古神偏王威時氣頗素聖主參元化陽  
雨時斟酌濟濟稷契儔赴赴頗牧略何事肥蠟見翻怪應龍蟻  
瀑布岩無掛仙油碩已涸豈惟石標磬况乃首藉薄秩祀豈不  
虔靈爽竟難度余亦青霞人偶讀黃庭錯浮踪鍾樂鷄畏路珠  
抵鵠膏肓在冥搜山神償宿諾高揖墜驢翁長咲藏馬察遙聞  
大海西麗農在寥廓瑤林杳無際瑞獸每相躍那得縮地方去  
拾煉金藥肉食顏難駐羽化神堪托祇須滅萬想便能開九輪  
隋唐日暮間前身愧凌閣道經海外西嶽居七氣  
素天之內有麗農山

經太華

時以典試道經華陰  
不及登山遂有此作

明袁宏道

華陰縣志

卷十七 詩

二十四

西安縣林印書代印

天地如文人精華不可刊而其秀傑氣常在水與山華山翠天  
表五月讓高寒尙其匠意時百靈窮肺肝琢以月天斤洗以銀  
浦瀾抹以洪濛烟照以日月九十二樓五城處處映青鬢嘗恐  
諸仙人鶴轡憩此間天風刷毛羽千里珮珊珊

又

昔聞華山名今見華山貌何時陟微茫遍償夙所好手攀青芙  
蓉玉女隔花笑數盡仙掌文喚醒希夷覺少時耽子墨頗識徐  
熙妙幅絹對青山臨崖親寫照不取色態好唯求神骨肖俗黛  
與凡霞無事點幽奧斷雌着椽登虛空發清嘯

望華山

本朝 王士正

關中八水匯清渭獨朝宗黃河西北來交會船司空河流挾底  
柱嶽勢分宏農山河兩界首氣壓殺函東金天正肅殺屹然白  
帝宮削成五千仞真宰散鴻濛及關見岌巖元精羅心胸倏忽  
雲氣生西接終南峯諸峯忽已失俯首越河湮峨峨司寇冠獨  
立青雲中蒼茫望三輔秋氣去安窮荒唐秦皇臘寂寞希夷蹤  
何當駕白鹿還共驂茅龍

范湘濱道人惠芝

王又旦

我生如蓬轉十載苦行役名山豈不懷塵氛一何劇朝來凌蒼  
崖初見靈關闕羽人稱靜者乃是瀟湘客結架蓮花峯松枝掛  
雙屐探秀越重巘鈴鈴振金策巖際得石菌蜿蜒片雲白好我

華陰縣志

卷十七 詩

二十一

西安縣林印書社代印

忽輟贈光采紛相射持茲伴高眠三峯在几席峻嶒五千仞攬  
之不盈尺冥心叩元扃意愜各有適亂霧下長林回首迷行迹  
自千尺幢抵雲臺峯作

王又旦

清晨杖輕策入谷二十里傾崖驟合沓鉤梯紛相倚苔古行蹤  
滅險艱從此始雲竇俯絕壑縹緲垂但纒纒攀縹躄危石足頓不  
能起巖屋照頽陽層岑倒松梓養力憩溼霧乃知崎嶇美東南  
得高壁路隘不任趾亂峽無全天坤軸忽崩圯太息展遠眺前  
途尙崢嶸

蒼龍嶺

王又旦

削壁突斷絕微徑始躋攀長虹馳遠影飛落青冥間迅颺兩崖

起獵獵雲氣還連峯若動搖我行亦孔艱天色撲蓮花瑤草何  
端爛陟危千萬慮曠望忽開顏璇宮應不遙從此排天關

御道

王又旦

履危肆幽討訪古披藜藿巡幸闡昔王層巖啓紺殿峻嶒施綿  
錦風雲開組練緬彼秩望遐慨茲石林變手攀將軍樹暫時展  
深戀憶昨宿青柯東壁恣遙盼爽氣盤雲臺冥濛目苦眩向訝  
最高峯到此了不見浩浩巨靈力斧鑿留婉嬾坐看仙掌近長  
吟不知倦

大風雨自玉井歸西峯宿范湘濱道人復菴作

王又旦

華陰縣志

卷十七 詩

二十一

西安縣林印書社代印

越嶂探玉井日照東林木雲氣生壁上須臾盪虛谷爽籟激幽  
響大雨一何速羣帝忽徠下乘蹻紛相逐桂旗連寶羽飄飄低  
以屬天色變多端一氣自迴復徒侶對面失苔滑阻紆曲紛吾  
身何託暫憩雲中屋稍覺心神安更曠登臨目欹斜千山松偃  
臥一徑竹莫漫嗟險艱庶幾愜幽獨入夜展道經孤燈照人宿  
望三公山

王又旦

三山如列豆絕壁何嶙峋傳聞金天帝設此腸百神萬松奏瑤  
瑟高張樂無垠我欲獻新詞座上娛仙賓一彈雲氣合逸響迴  
秋旻老翁垂綠髮攜我遊漢津此事頗茫昧誰見羅八珍日夕  
隔大壑遠望還逡巡

下山

王又旦

下山尋舊徑沈沈臨大壑亂石忽改觀烟景紛相錯低頭追勝蹟背面惜林薄巖迴明星掩路轉石月落大河折東流波蕩宏農郭萬古東西路世往事冥漠名嶽如可留吾欲齊龍蟻

下青柯坪尋結屋地了出谷

王又旦

遠遊訪詹尹卜居志已果十年歷名區徒倚無一可日夕下青柯對景戀婀娜買山懷昔賢選勝良在我屏營老樹東披榛大溪左飛瀑天上來巨石排雲墮稱勢裁高下萬念一時安杖藜出谷口平蕪亂燈火

贈無異先生

時同客京師此有舉曾係之慶為賦六百字

李因篤

華陰縣志

卷十七 詩

二十七

華陰縣志印書社代印

華嶽三輔東其高五千丈下有司馬廬開門儼相向季子美丰儀中情兼直諒弱冠讀父書諸父才俱讓西遊涇渭間所與必哲匠有時聞新篇四座盡惆悵先秦何蒼然兩漢互激宕委蛇編帶垂一吐河山壯少年或豪舉天性嗜醇釀回首笑稽阮把酒多跳盪醉拊詞翰柔操觚神采王篆分存古法龍虎駭有狀君起義獻裔大名日星傍釵角及漏痕側鋒安足尙同人丐筆跡注墨猶崩浪片羽總吉光餘輝流屏障潛居將白頭晚節益清亢閉戶謝賓客高眠心獨暢凌虛築草亭百尺瞻絕曠几席擁翠陰襄籬迷青嶂吾愛仙掌蓮削成本奇創怪汝擅此物乾坤乃私貺病餘賦註易疑義晰纖縵重發太昊圖概刪諸說妄

吳郡 顧亭林先生

乘人倫世儒希得當紫氣昨入關幽期頻往訪二

公弟著子矜許每過望振綬來洞阿懷古一酬唱春風吹鶴書謬亦點微兩部檄嚴勒程台司亟趣裝俄復違慈親未容引宿

先生以病辭于控

排徊暮山深積雨秋水漲省君就僧寮 先生

時寓吳 撫事同悽愴短裘裁蔽膝儲粟不盈盎朝看霜雪明頓

使朔風颺行矣歲聿除日歸仍難量故園遞好音羈客顏一放

孤矢宛在懸朵雲驚殊相充閭占舊德歷世慰主鬯君近耳順

弟輔及 芳蘭鬱成行 先生有孫四人 明珠

年且遲鄉飲杖桂樹久並立 弟輔及 芳蘭鬱成行 先生有孫四人 明珠

徑寸新忽綴孫枝上含胎弄所哺已解稱色養為祖為人曾老

懷亦頗亮即今長安道賢達密列仗底須驅麋鹿綿蕞議趨抗

華陰縣志

卷十七 詩

二十八

華陰縣志印書社代印

偃臥室嘗閒將迎項猶強接塵憶平生萬感如夙鄉矧急隴首戍還殷棧閣餉牙節豎驛館羽林馳諸將自從賦行役辛苦窮旅况供稅迫恆期薄田愁莫償佳兒昔負笈畏友慚絳帳捧檄詎獲已參軍情悒快前執戲彩柯 先生孫則之 御輪幾望玉燕早報慶紫荊能週防操蕪延屢及泉石敢誰誑儻附躬耕耦甘為擊壤倡出邸詢曉鐘旋秦倚春舫一片芙蓉月寒光浩蕩蕩

千尺峽

顏光敏

青柯圍翠屏四合無嵌竇東北窮石林劈空懸巨雷巉巖互噴薄造化爭一候天矯轉蛇龍窅冥穿颺側聞天籟發曠野雷

寔關仰井窺秋旻浮雲裊清晝白帝歸百神衆峯爲籩豆瓊臺  
阻且長翠葆紛何就

瀑布

顏光敏

谿迴峽角轉三峯面始正萬仞青琅玕瀑流下碎訇天運多烈  
風飄灑無時定細沫隨霧滴大珠如星迸石罅昔未闢滄泓絕  
人徑時挹霄漢芬遙想菡萏盛誰使鴻濛開瑤宮借涵映高蘿  
有垂猿登厯當與并

白雲峯

顏光敏

三峯信靈造巍巍司寇冠磊砢不盡洩蚺復北盤結空出瑤  
几前對香爐寒大道望如髮豁然見長安我行採山蓀葱蒨被  
華陰縣志 卷十七 詩 二十九 西安縣林印書代印

犁溝

顏光敏

犁溝劃絕壁直上無迴藏熊經復魚貫誰得相扶將危柯曼撐  
拄修綆垂毫芒仰睇愁瞑眩况乃窮八荒昔夢逐化人靈境空  
徬徨退身渺無地懦夫亦時強高林絕鳥雀萬壑聞笙簧便合  
此中住彌年承玉漿

擦耳崖

顏光敏

振衣更南登詭狀乃非一蟻行緣危棧逡巡皆股慄側身常齟  
耳茹趾妨齧膝吹徑乾松花滴空熟崖蜜蕭滅無人踪坐惜幽

芳失昔聞避世亂鷄犬喧雲日劫火燒咸秦遙慨人代畢遺竈  
尙可尋終當置蓬室

蒼龍嶺

顏光敏

紆迴下平坂削成當左衝青霄嵐彩滅蜿蟺垂蒼龍修鱗剝石  
鮮高脊突劍鋒神物倏幻化雷雨愁相從玉京多欄楯琪樹無  
春冬咫尺不可接勞心益懣懣危巢見炊煙下界聞夕鐘相攜  
戒前路日暮崕霜濃

華嶽

康乃心

樹老萬山秋烟空石氣潔攝衣步危顛矚處皆寥絕不知何皇  
季大荒噴羅列神力既恍惚元精奚固結七十二代君金檢皆  
華陰縣志 卷十七 詩 三十 西安縣林印書代印

磨滅漢武與秦皇狩望徒虛設最後白雲翁片石藏孤子自非  
帝重華聖功難配埒西皇肅大威玉女益清冽髣髴百神珊  
珊鳴玉珞漸知近至尊悚息歛狎褻微聞衆藥香紛雜不可擬  
賤子媿卑微名山夙所悅欲靈倘見怡燦齒啓蒙劣山行秋更  
奇况值黃花節一峯爲一拜一拜一心折四顧但蕭瑟氣象亦  
殊別渺茫若動搖下界俯一切雄山須如此登之始稱傑不然  
觀海人胡爲臨東碣

雪後至莎蘿坪望三峯

劉正宗

我自襄中回頗悉山情狀翠巘與丹崖突兀雜奔放氣勢一能  
敵岌巖不相讓何如太華峯巉巖絕倚傍拔地切五千日月互

摩盪仙掌扶青冥蓮萼散昭曠飛瀑從天來灑落層雲上始知名嶽尊羣山靡敢抗雪後衆峯明卑伏爭拱向灑氣澄金天百靈森名相疑有秦宮人去來迷疊嶂自愧胎骨凡雲臥奪塵障拄杖暮歸來矯百空惆悵

二仙橋

朱楓

絕壑兩飛梁巖巖尺有咫無級亦無欄白雲生澗底華遊陟險頻視茲橫約耳安步如欲仙欵度藍橋矣日斜溪渡寒鳥啼林送喜扶藜看石川清聽諸宮徵

玉女祠

沈青崖

靚深玉女祠白雲飄欵欵穿巖一條泉飛瀑青苔溼絳節朝帝回高居在崑崙清巖白石階不踏崔羅什

山蓀亭

姚遠翹

初程抵嶽麓小憩山蓀亭坐覺塵境絕玉泉聲冷冷四望佳木蔭天矯拳龍藤傳聞希夷種至今交柯青時有搗藥鳥鏗然落山庭誰授鎖鼻術閉目養黃寧

王刁三洞

姚遠翹

伊昔王伯遼其友刁自然鍊真寶谷內見者指地仙上洞宵莫攀申洞飛石懸下洞隱士居今亦無其賢通明啓石扇但見雲翩翩流聞巖積書往往津逮艱安得發蕊笈一誦瑯玕篇脈望解笑人寂歷空回旋

西嶽雲臺歌送丹邱子以下七言古 唐李 白

西嶽崢嶸何壯哉黃河如絲天際來黃河萬里觸山動盤渦谷轉秦地雷榮光林氣分五彩千年一清聖人在巨靈咆哮壁兩山洪波噴流射東海三峯却立如欲摧翠崖丹谷高掌開白帝金精運元氣石作蓮花雲作臺閣通幻冥人不到中有不死丹邱生明星玉女備洒掃麻姑搔背指爪輕我皇手把天地戶丹邱談天與天語九重出入生光輝東海蓬萊復西歸玉漿倘惠故人飲身騎茅龍上天飛

西嶽廟

王建

女巫遮客買神盤爭取琵琶廟裏彈聞有馬蹄生柏樹路人來華陰縣志 卷十七 詩 三十一 西安縣林印書代印

古意

韓愈

太華峯頭玉井蓮花開十丈藕如缸冷比雪霜甘比蜜一片入口沉疴痊我欲求之不憚遠青壁無路難資緣安得長梯上摘實下種七澤根株連

賦得明星玉女壇送廉察尉華陰

洪河之南曰秦嶺發地削成五千仞三峯離地皆倚天唯獨中峯特修峻上有明星玉女祠祠壇高渺路透迤三十六梯入河漢樵人往往見蛾眉蛾眉嬋娟又宜笑一見樵人下靈廟仙車

欲駕五雲飛香扇斜開九華照含情遲行惜韶年願侍君邊復  
中旋江妃玉佩留爲念羸女銀簫空自憐仙俗途殊兩情遠感  
君無盡辭君去遙見明星是妾家風飄雲散不知處故人家在  
西長安賣藥往來投此山綵雲蕩漾不可見綠蘿蒙茸鳥綿蠻  
欲求玉女長生法日夜燒香應自還

贈西嶽山人李岡

長短句

岑參

君隱處當一星蓮花峯頭飯黃精仙人掌上演丹經烏可到人  
莫攀隱來十年不下山袖中短書誰爲達華陰道士賣藥還

聞舅氏侯無可應辟南征

宋程顥

華陰縣志

卷十七 詩

三十三

西安縣林印書代印

詞華奏競至道離茫茫學者爭驅馳先生獨奮孟軻舌扶持聖  
教增光輝志期集作周禮制區夏人稱孔子生關西當途聞聲

集作交薦牘蒼生無福徒爾爲道大不爲當世用著書將期集作

訓來者知今朝有客關內至聞從大幕征南垂集作南陲凶寇

陷州郡久張螳臂抗天威聖皇赫怒捷書緩集作虎侯秉鉞驅

熊罷宏才未得天下宰良謀且作軍中師蕞爾小蠻何足矜集作

道庶幾聊吐胸中奇

余與李廌方叔相知久矣領貢舉事而李不得第愧甚作

詩送之

蘇軾

與君相從非一日筆勢翩翩疑可識平生謾說古戰場過眼終  
迷日五色我慚不出君大笑行止皆天子何責青袍白紵五千

人知子無怨亦無德買羊沽酒謝玉川爲我醉倒春風前歸家  
但草凌雲賦我相夫子非懼仙

次韻子瞻送李廌

黃庭堅

驥子墮地追風日未試千里誰能識習之寶錄葬皇祖斯文如  
女有正色今年持橐佐春官遂失此人難塞責雖然一闢有奇  
耦博懸于投不在德君看巨浸朝百川此豈有意潢潦前願爲  
霧豹懷文隱莫愛風蟬蛻骨仙

題陳希夷像

金萬石德躬

花頂君王瓦棺冷柴家陵上西風緊殿前點檢不知名醉眼摩  
娑睨周鼎白晝龍虎行天階紫微小星何佔哉先生大笑出門

華陰縣志

卷十七 詩

三十四

西安縣林印書代印

去明日華山歸去來山色還如舊時好流水小橋散芳草千載

誰知驢背心芒屨雲深入孤鳥汴城峨峨汴水流江南江北數

百州秦王未已晉王起人間萬歲更千秋

遊華山寄元裕之

趙秉文

我從秦川來遍歷終南遊莫遊華陰道清快明雙眸東風一夜  
橫作惡塵埃咫尺迷崑幽山神戲人亦薄相一杯未盡陰霾收  
但見兩崖巨壁插劍戟流泉夾道鳴琳瑯希夷石室綠蘿合金  
仙鶴駕空悠悠石門劃斷一峯出婆娑石上爲遲留上方可望  
不可到崕傾路絕令人愁十盤九折羊角上青柯坪上得少休  
三峯壁立五千仞其下無址傍無儔巨靈仙掌在霄漢銀河飛

下青雲頭或云奇勝在高頂脚力未易供冥搜蒼龍嶺瘦苔鮮  
滑嵌空石磴誰離搜每憐風自四山而下不見底惟聞松聲萬  
壑寒颼颼捫參歷井到絕頂下視塵世區中囚酒酣蒼茫瞰無  
際塊視五嶽芥九州南望漢中山碧玉簪亂抽况復秦宮與漢  
闕飄然聚散風中漚上有明星玉女之洞天二十八宿環相周  
又有千歲之玉蓮花開十丈藕如舟五盞不朽之長松流膏入  
地盤蛟虬采根食實可羽化方瞳碧髮三千秋時聞笙簫明月  
夜芝翬羽蓋來瀛洲乾坤不老青山色日月萬古無停轉君且  
爲我挽回六龍轡我亦爲君倒却黃河流終朝汗漫遊八極冥  
風更覓元丹邱

華陰縣志

卷十七 詩

三十五

西安縣林印書代印

聞欽叔在華下

元 元好問

翰林仙人詩酒豪平生稽阮參遊遨山中草棘滿霜雪可惜渠  
家宮錦袍聞君忍饑讀離騷思之不見心爲勞舉頭西望忽大  
笑太華落落長庚高

希夷堂歌

白玉蟾

道人久矣泯耳目蕭然自如脫羈束朝從扶桑日頭起暮趨岷  
崙雲脚伏青牛過關今幾年此道分明在目前昨夜瑤琴三疊  
後一堂風冷月娟娟

題華山圖

張翥

華嶽連天向西起瀕洞秦川三百里巨靈高掌削芙蓉影落黃

河一絲水雲臺霧如巢神仙羽衣金節時周旋大笑失脚白羸  
背歸來石上長軒眠千載悠悠寄元賞耳孫風骨猶蕭爽遠從  
丹邱渡滄海追挹神蹤欲長往何人想像圖真形疊崖陰洞高  
林青上摩金天之帝京下攬玉女之明星峯耶麓耶兩莫極虎  
豹叫絕烟靡冥仙家樓觀超然住遙認微茫是征路丹梯鐵鎖  
不可攀直喚茅龍上天去

題徐資生華山圖歌

明 劉基

華嶽插天七千丈丹崖翠壁開仙掌壁間壁出黃河流大禹以  
之分九州河流滾滾赴溟漲華嶽拔出天河上雲宮霧窟疑本  
無石室金臺儼相向玉泉高通玉井津中有蓮實如車輪時人  
肉食未羽化可望不得聊相親高堂晚晴圖畫展眼明一見心  
自遠世間塵土今紛紛吾當拂衣臥山雲

華山圖歌

爲喬太常字作

李東陽

嗟哉此山吾不知其幾千丈兮但見屹立乎天中中有三峯聳  
拔而直上部位離立西南東諸峯羅列在其下有似長老隨兒  
童縱令立表以識不得算雖有記里之鼓難爲功我聞上古之  
事開鴻濛河水盪汨相結融融者爲泥滓結者爲石爲山峯石  
堅山積理亦爾試看峴拔斬削別有造化之神工山名五嶽此  
其一特出似異衡與嵩天門重重隔烟霧鐵鎖懸崖引長路搗  
衣欲進苦不前十步行時九回顧山腰流泉如瀑布仙掌撐空

若承露虎踞龍蟠各有形鸞鶴舞紛無數置身忽在山峯頂  
極目乾坤莽回互秦關蜀嶽豈足論遙指扶桑最高樹噫吁噓  
自有天地兮卽有此山萬物代謝兮山巋然古人今人到者相  
接踵誰復騁步窮其巔我生好古厭塵俗險絕獨慕昌黎韓昔  
年南遊復東眺二嶽咫尺不一攀有客西來詫我以大觀歌聲  
上徹秦雲端畫圖指點向空廓已覺天上非人間喬生喬生如  
此好奇者世不可以多得安得與子一日遍歷千巔阮

毛女引

楊慎

雌鰲架濤擎海最秦橋遠見扶桑翠徐福樓船去不還江壁俄  
傳蒼水使椒烟蘭霧卷衣人化作鳥雕一炬塵老龍鱗下毛衣  
華陰縣志 卷十七 詩 三十七 西安縣林印書代印

女獨坐蓮峯閱幾秦

題李伯時西嶽降靈圖

詹洞

松鶴蔡先生家藏李伯時西嶽降靈圖前二人騎行後

二人徒步狀若馳獵者其最後則有雲氣神人在其中

嗟夫禹鼎象姦齊諸志怪世或有之但恨無胥臣之多

聞子產之博物歷覽載籍未遑夷考模寫畫像爲作短

篇以俟知者

龍眠居士畫入神展畫冥搜畫中意白日杲杲人出畝長風蕭  
蕭雲拂地前有一疋雪色馱次有一疋元花驄兩人冠服何其  
雄若非將相應王公繁纓寶鞍金匡匣各持羽箭懸雕弓後有

三人總徒步蒼鷹黃犬行相從雲中歛見光燦爛玉輅瑤輿下  
霄漢不駕紫鳳白麒麟海犀天駟多奇玩鸞旌虎節旋低昂星  
仗霞幢互繚亂無乃朝辭太華峯得非曉過雲臺觀輦中坐者  
眞天人冕珠龍袞儼昭煥金童玉女紛往來慶雲爲馭天爲階  
長眉刷翠面如月知有道骨無塵埃令人可望不可及恍惚雲  
中相出入衣沾玉井碧蓮香旗翻仙掌露華溼我識泰山封禪  
書不識此畫當何如人言西嶽降靈圖西嶽或有人間無

太華山人歌

李夢陽

山人昔居太華峯結屋玉井餐芙蓉夜隨金精朝白帝誤搗天  
鼓撞鴻鐘帝怒謫之荒江濱淚添江漢齊朝宗閭闔九重豹虎  
華陰縣志 卷十七 詩 三十八 西安縣林印書代印

蔽霜雪十年鴻鴈冬江邊諸山不可眼夢寐猶跨雙茅龍有時

夢到西頂坐環海內物盡么麼一線黃天涇渭流拳石白晝岷

峨破翳鳳驂鸞觀玉京羽節雲輶度婀娜織女虛無指前路沐

髮有益不借我山鬼含笑倚巖立仰看明星斗如大猿啼蛇吟

萬壑靜山人歸來淚交墮

太華山歌送陳子學 陳名謬

楊慎

五星墜地爲五嶽金虎西南動芒角踐華爲城類削成云是巨  
靈之手斲三條鼎立當中央直與鴻濛奠清濁太乙終南培塿  
開洪河清渭繞行杯日花先照蓮花上雲氣常從仙堂來高穿  
箭枯通天路俯看明星玉女臺冷然風馭不可駐降望大壑令

心哀繡衣柱史巖廊才入關玉節凌崔嵬搖山撼嶽下閭闔青  
冥白日驅風雷奔軼絕塵巨萬里驄馬蹀躞無虺隤君家老仙  
舊隱處丹爐石榻荒蒼苔登臨不問烟霞侶但借神池一勺洗  
盡區中埃千仞峯頭秋隼健題書好寄西風回

同施愚山陳藹公集山史昊天寺寓

觀唐子華  
水仙園

本朝 王士正

先生舊隱三峯椒太乙玉女時招邀秦都漢時一蟻垤口甌易  
象窮昏朝蒲車應詔謝賓客城西古寺風蕭蕭殘碑老樹氣象  
古涼衫重戴風神超入院鐘魚飄徐出一軸自拂拭古光黯淡生  
氣暖似吳越佛香入院鐘魚飄徐出一軸自拂拭古光黯淡生  
華陰縣志 卷十七 詩 三十九 西安縣林印書代印

華山歌送山史先生

施閏章

華山突兀陵八荒仙掌摩畫摩青蒼洗頭盆水瀉銀漢斜掛星  
辰森在旁攀緝直上幾千仞俯看海日生扶桑韓愈當年驚眩  
處昔爲絕險今康莊誰能羅致歸戶隔瑯琊先生有草堂霞舉  
烟霏何爛熳杖藜散帙隨昏日奔騰腕下走鍾王研索牀頭窮  
繫象安車強起棲僧閣夜夜山中夢紅藥蹀躞金門懶上書公

卿編紵還垂囊先生豈是塵中人披帷臆就多逸民所歎願况  
尤比隣謂顧亭林華山不作終南徑看爾三峯頂上身

河上寄山史

王士正

前年君往蘭谿道金華洞中拾瑤草傳來八詠似林文愛玩新  
詩愁絕倒華陰古道接宏農一望秦山深萬重遙看青壁孤雲  
起知在西南第幾峯

青柯坪

顏光敏

我從華陰來秋懷苦悽愴一登十八盤略焉如盡喪手拂岫幌  
開雲關峯巒變滅無停狀狸狽兩猿晝啼咫尺但愁失路向  
蒼藤霧歷穿危棧高下冥迷那得辨石稜澗道僅數尋渭水秦

華陰縣志

卷十七 詩 四十

四十一

西安縣林印書代印

山幾迴轉舉頭忽訝青天開垣屋鱗鱗綴晴嶽長松掛壁森蓬  
壑細霧緣屏裊煙篆吁嗟青柯坪壯觀真崔嵬三峯高造天於  
我何有哉安得巨靈咆哮重擊裂二十八潭傾帝臺手挽鐵船  
入天漢仰攀十丈蓮花開迴頭却笑笑門子坐看東海生黃埃  
蒼龍嶺觀韓退之大哭許家趙文備百歲笑韓處

李柏

華山館爲國家營功德

以下五言律

梁江淹

不哭獨立嶺頭但長嘯  
沐浴禱靈嶽稽首參上元帝昔祈萬壽臣今請億年丹友緘洞  
府河清時一傳錦書飛雲字玉簡黃金編

奉和聖製次瓊嶽韻

唐張九齡

山祗亦望幸雲雨見靈心嶽館逢朝霽關門解宿陰咸京天上  
近清渭日邊臨我武因東狩何言是卽禽

奉和聖製次瓊嶽應制

韋濟

陸海披晴雪千旗獵早陽嶽臨秦路險河繞漢垣長行漏通鳩  
鵠離宮接建章都門信宿近歌舞從周王

奉和聖製次瓊嶽應制

李林甫

東幸從人望西巡順物回雲收二華出天轉五星來十月農初  
罷三驅禮復開更看瓊嶽上佳氣接神臺

嶽館

沈佺期

洞壑仙人館孤峯玉女臺空濛朝氣合窈窕夕陽開流澗含輕  
雨虛巖應薄雷正逢鸞與鶴歌舞出天來

遊張超谷

魯三江

太華鎖深谷我來真景分有苗皆是藥無石不生雲急瀑和烟  
瀉清猿帶雨聞幽棲未忍別峯畔日將曛

上方峯

裴銳

獨上上方上高立聊稱心氣衝雲易黑影落縣多陰有雪草不  
死無風松自吟會當求大藥他日復追尋

送王錄事卻歸華陰

錄事自華陰尉授絳州錄事參軍旬日却復舊官

岑參

相送欲狂歌其如此別何攀轅人共惜解印日無多仙長雲重  
見關門路再過雙魚莫不寄縣外是黃河

觀華陰

祖詠

西入秦關口南瞻驛路連彩雲生闕下松樹到祠邊作鎮富官  
道雄都俯大川蓮峯徑上處彷彿有神仙

奉贈嚴八閣老

杜甫

扈聖登黃閣明公獨妙年蛟龍得雲雨鸚鵡在秋天客禮容疎  
放官曹可接聯新詩句句好應任老夫傳

路逢襄陽楊少府入城戲呈楊四員外

杜甫

寄語楊員外山寒少茯苓歸來稍暄暖當爲勵青冥翻動龍蛇

華陰縣志

卷十七 詩

四十二

西安縣林印書代印

窟封題鳥獸形兼將老藤杖扶汝醉初醒

九日奉寄嚴大夫

杜甫

九日應愁思經時冒險艱不眠持漢節何路出巴山小驛香醪  
嫩重巖細菊斑遙知簇鞍馬回首白雲間

哭嚴僕射歸櫬

杜甫

素幔隨流水歸舟返舊京老親如宿昔部曲異平生風送蛟龍  
匣天長驟騎營一哀三峽暮遺後見君情

賦得歸雲送李山人歸華山

錢起

秀色橫千里歸雲積幾重欲依毛女岫初捲少姨峯蓋影隨征  
馬衣香拂臥龍祗應函谷上真氣日溶溶

送韓一作許事歸華陰

張籍

蓮花峯下住一作三峯出見世人希白髮一作老大誰相識青山一作集

又獨歸拂牕秋菌落開篋蟄蛾飛若訪雲中伴還應着褐衣

送唐瓌歸敷水莊

賈島

毛女峯當戶日高頭未梳地侵山影掃葉帶露痕書松徑僧尋

藥沙泉鶴見魚一川人境別集作風恨不有吾廬景好

馬戴居華山因寄

賈島

玉女洗頭盆孤高不可言瀑流蓮嶽頂河注華山根絕雀林藏  
鶻無人境有猿秋蟾纔過兩石上古松門

晚至華陰

皇甫曾一作權

華陰縣志卷十七 詩

四十三西安縣林印書代印

臘盡促歸心行人及華陰雲霞仙掌出松柏古祠深野渡冰生  
岸寒川燒隔林溫泉看漸近宮樹晚沉沉

寄華嶽孫逸人

李商隱

靈嶽幾千仞老松逾百尋攀崖仍躡壁噉葉復眠陰海上呼三  
島齋中戲五禽唯應逢阮籍長嘯作鸞音

送馬戴入華山

顧非熊

古木亂重重何人識去蹤斜陽收萬壑圓月上三峯雲裏泉  
石牕間鳥下松唯應采藥客時向此相逢

懷華山隱者

劉禹昭

先生入太華杳杳絕良音秋夢有時見孤雲無處尋神清峯頂

立衣冷浸邊吟憲笑千名者六街塵土深

敷水小桃盛開因題

溫庭筠

敷水小橋東娟娟照露叢所嗟非勝地堪恨是春風二月豔陽  
節一枝惆悵紅定知留不住吹落路塵中

華頂道士

項斯

仙人掌上住生有上天期已廢燒丹處猶多種杏時養龍於淺  
水寄鶴在高枝得道復無事相逢盡日棋

送華陰隱者

項斯

往往到城市得非徵樂錢世人空藏面弟子莫知年自說能醫  
死相期更學仙近來移住處毛女齊峯前

華陰縣志卷十七 詩

四十四西安縣林印書代印

華下送文涓

司空圖

郊居謝名利何事最相親漸與論詩久皆知得句新川明虹照  
雨樹密鳥衝人應念從今去還來嶽下頻

寄華陰姚少府

喻坦之

太華當公署為官與可知硯和青靄凍簾對白雲垂峻掌光浮  
日危蓮影入池料於三考內應惜德音移

寄西嶽白石僧

馬戴

掛錫中峯上經行踏石梯雲房出定後嶽月在池西峭壁殘霞  
照欹松積雪齊年年着山屐曾得到招提

贈華陰李明府

曹松

佩墨縣兼清約關西近城三峯豈不重厚地載猶輕雪篠欹難

直風泉噴易橫須知高枕外長是勸民耕

寄敷水盧校書

黃滔

九霄無詔下何事近清塵宅帶松蘿僻日唯猿鳥親吟高仙掌

月期有洞庭人莫問烟霞句懸知見嶽神

西峯

宋陳搏

為愛西峯好吟頭盡日昂晶花紅作陣溪水綠成行幾夜礙新

月半山無斜陽寄言喜遜客此處是仙鄉

詔華山處士陳搏

太宗

華嶽多期說知卿是姓陳雲間三島客物外一閑人丹鼎為活

華陰縣志

卷十七 詩

四十五

西安縣林印書代印

計青山作近隣朕思親欲往社稷去無因

答陳搏

葛守忠

使臣

華嶽三峯客幽居不計年烟霞為活計雲水作家緣種藥茅庭

畔栽松澗窅邊暫離仙洞去可應帝王宣

華山

元楊西亭

三峯列金精層崖麗璇霄地高萬靈會日出諸山朝松陰停鶴

馭花間州鳳簫獨尋希夷叟相與談逍遙

和唐皇甫孝韻

明楊榮

萬里故園心行行及華陰古祠松雨暗西嶽嶺雲深野燒偏依

戌昏鴉正滿林華清宮樹近斜日影沉沉

華陰道中

康海

素志在山水尋常懷此峯地開青玉障天擁翠芙蓉昔別猶彈

劍今過忽杖筇從來丈夫意乖蹇日相逢

華陰道中望嶽見南岡使

康海

東行經華嶽拂霧望危峯斜日鳴巖雪微陰薄澗松隔年情尙

繫今夕興空濃不意南岡使遙遙又此逢

華山贈蓬頭道人

明張維新

笑我空搔首逢君懶着冠驚人無謝眺避詔有陳搏石月千巖

靜松風一枕安長生如可學莫惜紫金丹

華陰祠居東縣令

趙貞吉

華陰縣志

卷十七 詩

四十六

西安縣林印書代印

新作王門使來依茂宰居烟花松社展風雨竹林書寂寂春將

暮綿綿思有餘愁深仍向夕戶影嶽蓮虛

和朱非二山間之作

袁宏道

入谷非無路鑿空尙有痕勢危攀棘杪力盡憩松根天上雲烟

市仙家水石村悠然見遂古夢裏亦羲軒

愁絕蒼龍嶺苔青萬古銅幢深憑綆汲棧絕賴枝河洞隔寒溪

雪僧歸石壘風半卷輕四嶽一笑傲三公

只覺川原變甯知七曜同按圖窮大地卓笏量虛空霞過遺仙

影雲歸識海風人間三不朽塵裏一微虫

極態窮工出摩天插地孤平開東震日坐想北俱虛白石鑑何

在青溪鶴也無浩歌中夜月萬里湛冰壺

雲懶飛難上龍癡臥不醒巴江寒蕩日鄭火夜飛星爐淪千年

液松留太古青綠霞封石鏤應是護仙經

謁希夷先生祠

本朝 顧炎武

舊是唐朝士身更五代餘每懷淳古意聊卜華山居月落巖阿

寂雲來洞口虛果哉非荷蕢獨識太平初

送王山史歸華山

王士正

華山丹頂鶴清唳向西峯不羨三珠樹長棲千歲松林巒有佳

色眠起日高春石上流泉好菖蒲方紫茸

贈王山史

許荃

華陰縣志

卷十七 詩

四十七

西安縣林印書代印

爾音自金玉人望亦峻嶒姓字聞殊久風流見未曾著書忘歲

月入世辨淄澠想像居名嶽塵埃隔幾層

贈雲隱山史

朱誼汗

二難齊譽望千仞失高危牛斗雌雄劍江山琬琰碑真形驚突

兀灑氣泣淋漓十五連城壁孤懸未是奇

行經華陰

以下七言律

唐 崔顥

岩嶠太華俯咸京天外三峯削不成武帝祠前雲欲散仙人掌

上雨初晴河山北枕秦關險驛樹西連漢時平借問路傍名利

客無如此處學長生

望嶽

杜 甫

西嶽峻嶒竦處尊諸峯羅立似兒孫安得仙人九節杖拄到玉

女洗頭盆車箱入谷無歸路箭括通天有一門稍待秋風涼冷

後高尋白帝問真源

殿中丞枉駕見過

杜 甫

元戎小隊出郊坰問柳尋花到野亭川合東西瞻使節地分南

北任流萍扁舟不獨如張翰皂帽還應似管寧寂寞江天雲霧

裏何人道有少微星

宴楊僕射新昌里第

楊 汝 士

隔座應須賜御屏盡將仙翰入高冥文章舊價留鸞掖桃李新

陰在鯉庭再歲生徒陳習宴一時良史盡傳馨當年疏廣雖云

華陰縣志

卷十七 詩

四十八

西安縣林印書代印

盛詎有茲賢醉醲醑

和楊郎中

僕射致仕後楊侍  
郎門生合宴席上作

白居易

業重關西繼大名恩深闕下遂高情祥麟降伴趨庭鯉賀燕飛

和出谷鶯范蠡舟中無子弟疏家席上欠門生可憐玉樹連桃

李從古無如此會榮

奉酬荊州殿司空見寄

武元衡

金貂再領三公府玉帳連封萬戶侯簾捲青山巫峽曉烟開碧

樹渚宮秋劉琨坐嘯風清塞謝眺裁一作詩月滿樓白雪調高

歌不得美人南望翠蛾愁

寄殿八判官

殿判官

劉方平

洛陽新月動秋砧翰海沙場天半陰出塞能令仲叔策安親更切老萊心漢家宮裏風雲晚羌笛聲中雨雪深懷袖未傳三歲字相思空作隴頭吟

吳中贈別嚴士元

劉元卿

春風倚棹閣城殊國雲陰暗或作水閣 天寒陰復晴細雨溼衣看一作

不見閑花落地聽無聲日斜江上孤帆影草綠湖或作江南萬

里情君去一作東道若逢相識問青袍今已誤儒生

寄昭亭楊處士一作寄楊處士

許渾

舊隱青山紫桂陰一書迢遞寄歸心謝公樓上晚花發集作盛楊

子宅前春草深吳岫雨來溪鳥浴楚山一作江雲暗嶺猿吟野人

華陰縣志 卷十七 詩 四十九 一西安蘇林印書社代印

寧負滄洲伴會待吹竿定至音

華山李鍊師所居

皮日休

麻一作花姑古貌上仙才謫向蓮峯管玉臺瑞氣染衣金液啓香

烟映面紫文開孤雲盡日方離洞雙鶴移時只有苔深夜寂寥

存想歇月天時下草堂來

夜歸華山因寄幕府

蘇廣文

山林寥落野人稀竹裏衡門揜翠微溪渡夜隨明月入亭臯春

伴白雲飛稽康懶慢仍耽酒范蠡逋逃久拂衣汀畔數鷗閑不

起只應知我已忘機

寄西嶽晉上人

盧綸

過雨閒樓看晚虹白雲相逐水相通寒蟬怨暮野無日古樹傷秋天有風數穗野烟凝隴上幾叢栗果憶山中何言暫別東隣友惆悵人間事不同

華山下

司空圖

籜冠新帶步池塘逸韻偏宜夏景長扶起綠荷承曉露驚回白

鳥入殘陽久無書去干時貴特有僧來自故鄉不用名山訪真

訣退休便是養生方

贈華陰隱者

方干

少微夜夜當仙掌更有何人在此居花月舊支一作看浴鶴松

蘿本自伴刪書素琴醉去經宵枕衰髮寒來向日梳故國多年

華陰縣志 卷十七 詩 五十 一西安蘇林印書社代印

歸未遂因逢此地憶吾廬

送都先輩歸觀華陰

李洞

桂枝博得鳳枝棲欲觀家僮舞翠微僧向瀑泉聲裏背鳥穿仙

掌指間飛休停觀筆吟荒廟永別燈籠赴鎖闌騷雅近來頽喪

甚送君倍覺有光輝

復召陳搏

宋太宗

三度宣卿不赴朝關河千里莫辭勞鑿山選玉終須得點鐵成

金未見燒紫袍綽綽宜披體金印纍纍可掛腰朕賴先生相輔

佐何憂萬姓輟歌謠

答使者辭不赴詔

陳搏